

"La marca aquí sus l'arbre,  
i èra pas quand sèm  
passats aqueste matin !"

*Escrivètz la seguida...*

# CONCORS DE NOVÈLAS



**Lo Lector del Val**  
(associacion de bibliotècas del Lauragués)

vos prepausa un concurs d'escritura de tèxt cort :

- que debuta per la **frasa çai-sus**
- de **6 paginas** (12 000 signes) al mai, numerotadas, croquetadas, non signadas, amb un **títol**
- de mandar en **6 còpias de papièr e una còpia numeric** al mai tard lo **22 de febrèr de 2019** a las adreïças següentas :  
Lector del Val – 1, route de Pompertuzat –  
F-31450 DEYME // [info@lecteurduval.org](mailto:info@lecteurduval.org)

Quatre categories : *Escòla primària, Collègi, Licèu, Adulte*  
Vos cal pas doblidar de jónher la **ficha d'inscripcion** (se marcar en linha sus [www.lecteurduval.org](http://www.lecteurduval.org) e imprimir)  
Los tèxtes causits seràn publicats e enregistrats - Entresenhas (+33) 561 005 116  
Règlement complet dins las 25 bibliotècas aderentas o sus internet.

Edicion 2018 - 2019



## Concours de novèlas

1° Lo Lector del Val, Associacion de Bibliotècas del Lauragués (sud-èst de Tolosa), organiza son XXIIen concors de novèlas, dobèrt a totes e a gratis, d'octobre de 2018 a febrèr de 2019. Compta quatre categories: primari, segondari, licèus, adultes. Los tèxts collectius son permès se fan partida de l'ensenhament d'una classa tota.

2° Lo tèxt deu necessariament començar amb la frasa següenta, que serà lo tèma : « **La marca aquí sus l'arbre, i èra pas quand sèm passats aqueste matin.** » La forma serà la novèla, lo genre demòra liure : fantastic, policièr, sciéncia-ficcion, istoric, romanèsc, aventura, etc... o pas brica de genre que siá. Totas las variants de la lenga d'Òc son planvengudas, a carga pel participant de passar l'incipit dins sa varianta pròpia.

3° Cada candidat poirà presentar un **maximum de dos tèxts**, de pas mai de sièis paginas rècto simple (12 000 signes maximum, espacis incluses: a l'entorn de 30 linhas per pagina, interlinha 1.5, tipe de letra classica, còs 12, format 21x29.7). Las cal dactilografiadas e foliadas (levat l'originala). Cal obligatòriament un **títol**. Solament un tèxt per autor poirà obténer un prèmi.

4° Los tèxts deuran èsser mandats en **6** (categoria adulte) o **4** (categoria jove) **còpias** de papièr, e una còpia numeric **al mai tard lo 22 de febrèr de 2019**, a las adreïças següentas : *Le Lector del Val, 1 rte de Pompertuzat - 31320 DEYME* – mèl: [info@lecteurduval.org](mailto:info@lecteurduval.org). Se pòdon tanben pausar dins una de las 25 bibliotècas aderentas fins a aquela data.

5° Lo concurs es anonim : pas de nom o escais-nom dins lo manuscrit. Tot signe distinctiu menarà a la cancelacion. Un **formulari d'inscripcion** junt al mandadís aurà lo nom d'ostal, lo pichon nom, l'adreïça postal, lo corrièl, l'atge, lo numerò de telefòn e, se ne vira, los ligams de l'establiment escolar e la classa del candidat. I aurà tanben un engatjament de l'autor sul caractari personal, original e inedit de l'òbra presentada. Pas cap de fals-nom serà acceptat.

6° Los **candidats** s'engatjan, per la lor signatura, a garantir l'originalitat de las òbras que presentan, si que non poirián èsser acusats de plagiat o contrafaçon, e ne suportarián solets las consequéncias. Acceptan que lors tèxtes (jos forma perfectament anonima, plan solid) sián prepausats a la lectura dins l'encastre de mantunas accions publicas organizadas per l'associacion, e pòscan tanben servir d'espleitacion scientifica dins lo cas d'un encastre associatiu amb lo CNRS.

7° Una **jurada** compausada de bibliotecaris de l'associacion, d'ensenhaires, d'elegits, d'escrivans, de lectors e de professionals del libre, balharà, per categories, mantun prèmis en natura (libres, abonaments...) de **prene sul luòc**, e decidirà dels tèxts d'editar e d'enregistrar : un CD audiò dels melhors tèxts serà tanben fargat. De notar que, lo concurs essent dobèrt als enfants e als joves, l'edicion se farà dins l'encastre de la lei de 1949 sus las **publicacions destinadas a la joïnessa**.

8° Los **ganhants** seràn avisats per corrièr individual. La remesa dels prèmis se debararà lo **1er de junh de 2019 a la mediathèca d'Ayguesvives**, e la remesa dels recuèlhs de novèlas e CD als autors es prevista per **octobre de 2019** a Diagona-Labège, dins l'encastre de Scientilivre.

9° La jurada pòt demandar a l'autor de modificacions ortograficas o sintaxicas avans tota publicacion, e incita los autors a utilizar de corregidors informatics. En cas d'**edicion o d'enregistrament**, los candidats primats acceptan, sens cap de resèrva, que lo lor tèxt siá difusat per talhons o entièr, papièr, son e Internet, sens cap de remuneracion. Acceptan tanben qu'un autre usatge que siá, a mira non lucrativa, tal coma lectures publicas o utilisacion pedagogica. Gardan per contra lo drech de far tornar servir lor tèxt (reedicion, etc) amb la resèrva de mencionar lo prèmi del Lector del Val. Un **autor publicat dos ans de tira** poirà pas l'èsser un an de mai, mas garda lo drech de participar e la possibilitat d'èsser premiat e enregistrat.

10° La **participacion** al concurs implica l'acceptacion totala sens resèrva d'aquel reglament. Los organizators se resèrvan lo drech de modificar o de cancelar se de circonstàncias extèrnas lo necessitavan. La jurada se resèrva lo drech de decernir pas cap de prèmi se jutja que la valor dels tèxts prepausats es insufisenta.